

Na osnovu člana 15. stav 1. Zakona o mladima Federacije BiH (Službene novine FBiH, broj: 36/10) i člana 4., 5., 6 i 7., Pravilnika o vođenju spiska omladinskih udruženja na području općine Ključ, broj: 02-02-473/20 od 06.02.2020. godine, Općinski načelnik općine Ključ, o b j a v l j u j e:

JAVNI POZIV

omladinskim udruženjima za upis u spisak omladinskih udruženja općine Ključ

I

Pozivaju se omladinska udruženja koja imaju sjedište ili registriran ured na području općine Ključ da izvrše upis u spisak omladinskih udruženja općine Ključ.

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrirano.

Međunarodna udruženja ne mogu dobiti status omladinskog udruženja ako nisu registrirana i u Bosni i Hercegovini.

III

Omladinska udruženja koja žele predlagati projekte za mlade ili biti član Vijeća mladih općine Ključ dužna su se upisati u spisak omladinskih udruženja Općine.

IV

Zahtjev za upis u spisak podnosi se Službi, nakon upisa udruženja u registar koji vodi nadležno ministarstvo pravosuđa i uprave.

Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

Zahtjev se, prema vrsti podataka koji se unose, sastoji od tri dijela, i to:

- a) podaci o omladinskom udruženju,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Uz zahtjev za upis u spisak omladinskog udruženja prilažu se:

- rješenje o registraciji
- osnivački akt
- statut

Prilozi se podnose u originalu ili ovjerenoj fotokopiji.

V

Obrazac broj 1. se popunjava na računaru na jednom od tri službena jezika koja su u upotrebi u Bosni i Hercegovini i može se neposredno downloadovati na oficijelnoj web stranici općine Ključ (www.opcina-kljuc.ba), na kojoj se može vidjeti i Pravilnik o vođenju registra omladinskih udruženja na području općine Ključ.

Zahtjev i propisana dokumentacija dostavljaju se općini Ključ putem pošte odnosno Službi za stručne poslove Općinskog načelnika i Općinskog vijeća opću upravu i društvene djelatnosti u Šalter sali općine Ključ.

VI

Ovaj Javni poziv se objavljuje na oglasnoj ploči organa uprave općine Ključ i na web-stranici Općine i ostaje otvoren 30. dana od dana objavljivanja.

Broj: 02-45-651/20
Ključ, 10.03.2020. godine.



OPĆINSKI NAČELNIK

Nedžad Zukanović, prof.